

## TE TAUIRA WHĀRIKI

Ko ngā hōtaka whakaako mokopuna kei raro i Te Whāriki a Te Kōhanga Reo, he rarangatanga o ngā kaupapa whakahaere, ngā taumata whakahirahira, me ngā taha katoa o te mokopuna (te tauira whāriki). Ko tā te kōhanga reo, he aro ki ngā taha e whā:

► **TINANA**

*te whanaketanga o te taha tinana*

► **HINENGARO**

*te whanaketanga o te taha hinengaro*

► **WAIRUA**

*te whanaketanga o te taha wairua*

► **WHATUMANAWA**

*te whanaketanga o te taha whatumanawa, arā, te taha ki ngā kare ā-roto*

Ka haere ana te mokopuna ki te kura, ki reira ka āta whakawhanaketia ērā atu taha ūna i raro i te kaupapa tuakiri tangata.



***Me pioke he awheo mō te kōhanga reo***  
***Te taonga tuku iho nā te Atua***  
***Te taonga e kore e ngaro***  
***I ngā tau whakahu ihui***  
***I ngā tau takaoriori***

### TE KŌHANGA REO NATIONAL TRUST

[www.kohanga.co.nz](http://www.kohanga.co.nz)  
PO Box 38741  
67 Hankey Street  
Mount Cook  
Wellington

Phone (04) 381 8750  
Fax (04) 381 8777

Published by the New Zealand Ministry of Education.  
[www.education.govt.nz](http://www.education.govt.nz)  
All rights reserved. Enquiries should be made to the publisher.  
ISBN 978-0-478-16978-2  
Item number 16978



TE TĀHUHU O TE MĀTAURANGA  
MINISTRY OF EDUCATION

Te Kāwanatanga o Aotearoa



## TE WHĀRIKI A TE KŌHANGA REO



KO TE REO TE MAURI O TE MANA MĀORI

# TE WHĀRIKI

Ko Te Whāriki a Te Kōhanga Reo te anga marautanga hei whai mā ngā kōhanga reo katoa kei raro i Te Poari Matua o Te Kōhanga Reo. He mea waihanga hei āwhina i ngā kaiako me ngā whānau ki te whakarite mahere ako mā te mokopuna. Ko te marautanga nei i ahu mai i te whakaaro Māori, kia mārama ai ngā kaiako me ngā whānau ki te tuitui i ngā tikanga ā-iwi, ngā hononga ā-iwi, te reo Māori me te taiao hei wheako whakatipu i te mokopuna.

Ko ngā mahere ako ā-tau, he whakarārangitanga i ngā kaupapa ako. Koia ērā ko ngā kaupapa ka āta whakatauhia e ngā kaiako me ngā whānau. Ko te whakarite huarahi e taea ai e ngā whānau te ako i te taha o ā rātou tamariki, tētahi o ngā tino kaupapa a te kōhanga reo. I te mahere ā-tau, ka kotahi noaiho pea te kaupapa ako, ā, ka wāwāhia tērā kia whā ūna wāhanga. Ko ētahi kaupapa ako, mā ngā wāhanga o te tau me te taiao kē e tohu. Ko ētahi atu, ka kotahi marama noaiho pea te roa ki ērā, ā, ka hāngai pū ki tētahi kaupapa.

Ko ngā hōtaka whakaako mokopuna katoa, e hāngai ana ki ngā kaupapa whakahaere e whā, me ngā taumata whakahirahira e rima, a te kōhanga reo.

# NGĀ KAUPAPA WHAKAHAERE

Ko tā ngā kaupapa whakahaere, he whakatō i te kaha ki roto i ngā mokopuna kia pai ai tā rātou ako, kia pakari ai tā rātou tū, kia ū ai ō rātou whakaaro i roto i te kotahitanga, kia arotau ai rātou ki te whanaungatanga, ā, kia whai kaha ai hoki rātou i te kotahitanga:

- ▶ **WHAKAMANA**
- ▶ **KOTAHITANGA**
- ▶ **WHĀNAU TANGATA**
- ▶ **NGĀ HONONGA**

# NGĀ TAUMATA WHAKAHIRAHIRA

Ko te ‘mana’, te iho wairua e mārō ai ngā hononga i waenganui i te Atua, te tangata, te ao me te reo:

- ▶ **MANA ATUA**
- ▶ **MANA TANGATA**
- ▶ **MANA REO**
- ▶ **MANA WHENUA**
- ▶ **MANA AOTŪROA**

Kotahi te hā o te tipuna me te mokopuna.

